



*Tsoom Kav Tswj ntawm
Cov Neeg Ntseeg Siab*

*Michelle Rivas
Tuam Thawj Coj*

*Michael Baker
Lwm Thawj Coj*

*Christine Jefferson
Tus Neeg Saib Xyuas
Ntaub Ntawv*

*Bob Bastian
Tus Neeg Hauv Pawg*

*Basim Elkarra
Tus Neeg Hauv Pawg*

*Linda Fowler, J.D.
Tus Neeg Hauv Pawg*

*Rebecca Sandoval
Tus Neeg Hauv Pawg*

*Tuam Thawj Tswj
Steve Martinez, Ed.D.*

*Txhawb txhua tus me
nyuam kom muaj txoj kev
ntshaw los ua tau yam zoo
tshaj plaws txhua hnuv*

Kaum Hli Ntuj 15, 2021

Rau Cov Neeg Ua Haujlwm thiab Twin Rivers Tsevkawm lub Zej Zog,

Tam li koj yeej xav txog tau, thoob plaws hauv lub xeev ob tog huvtibsi yeej tawm suab muaj zog tibyam nkaus puag ncig txog ntawm tus Tswv Xeev Gov. Gavin Newsom txoj cai cov nqe lus uas tseem kom muaj koob tshuaj COVID-19 rau cov menyuum uas kawm ntawv nyob hauv pejxeem cov tsevkawm thiab rau cov tsevkawm ntiav nyiaj. Txawm hais tias lub caij no peb lub Koog Tsevkawm tseem tsis tau txais cov email thiab cov xovtooj hu tuaj rau peb los, peb yeej hnov tuaj ntawm nej qee tus uas muaj kev ntxhov siab thiab tsis muaj kev txaus siab rau tus Tswv Xeev nqe lus tsab cai qhia tuaj. Peb yeej paub hais tias muaj ib pawg uas tawm tsam tsab cai tswj ntawm no tau nplaj tseg yuav tsim ib lub kev tshwm sim cia li taug kev tawm hauv nyob thoob plaws lub xeev (a statewide school walkout). Pawg no tab tom thov tuaj kom cov niam txiv cia lawv cov menyuum nyob tsev ntawm hnuv Monday, Kaum Hli Ntuj tim 18, uas yog ib hnuv qhia ntawv. Txawm hais tias tibneeg muaj cai ntawm lawv ntiag tus los mus tawm suab, tshaj tawm lawv cov kev txhawjxeeb thiab tawm tsam tus Tswv Xeev cov kev ua dejnum, Kuv thov tuaj rau nej cov ua niam ua txiv nrog kev fwm nej yuav ua lcas ntawm nej kev xav los tau tabsis thov tsis txhob tabkaum, cuam tshuam peb cov menyuum kawm txoj kev kawmntawv. Ib qho qhaj ntawv, tsis tuaj kawm ntawv ib hnuv, yog ib qho kev plam lub cibfim rau cov tub ntxhais kawm tau kawm ntawv.

Qhov kev kub ntxhov kis tus kabmob thoob ntiaj teb ntawm no tseem muaj tsis tu ncuu, uas ua ib qho kev tawm tsam nyuaj kawg kiag, thiab kuv paub nej yeej pom zoo; thiab hais txog ntawm Twin Rivers Unified yeej tsis muaj qhov kev tswj, khoo tau, hais txog ntawm tsab cai cov nqe lus uas tseem kom tau koob tshuaj txhaj COVID-19, uas nws tseem tsis tau pib nqes tes coj los tswj/khoo kom txog thaum koob tshuaj tau txais kev pom zoo tag tag, txhij txhua, los rau cov menyuum kawm qib xya mus txog qib 12 ntawm Tsoom Fwv Pawg Tswj Zaub Mov thiab Tshuaj (Food and Drug Administration - FDA). Ntawm peb qhov kev totaub hais txog kev mob nkeeg thiab kev ntseeg cov kev zam tau uas pub rau cov uas ibtxwm muaj qhov kev zam ntawm cov koob txhaj tshuaj K-12 uas tseem kom tau kuj yog siv tau rau koob tshuaj COVID-19 uas tsab cai tswj kom muaj. Thaum pib los txog rau tam sim no ntawm qhov kev kub ntxov kis kabmob thoob ntiaj teb ntawm no peb yeej tau ua raws li tagnrho txhua yam ntawm cov lus qhia tuaj hauv zej zog thiab lub xeev thiab peb yeej yuav ua raws li qhia toj ntawm no mus ntxiv. Peb lub luag haujlwm tseemceeb tshaj ua ntej tseem yog txoj kev noj qab haus huv thiab txoj kev noj qab nyob zoo ntawm peb cov tub ntxhais kawmntawv thiab cov neeg ua haujlwm.

Ntau thiab ntau zuj zus tsis ntev los no, Kuv pom txog kuv tus kheej xav txog tagnrho txhua yam uas peb tau ua dhau los mus uake los pab saib xyuas peb cov tub ntxhais kawmntawv thiab cov neeg ua haujlwm nyob nyabxees, uas qhov no tswj tau txoj kev cia peb cov menyuum kawmntav niaj hnuv tau tuaj kawm ntawv hauv tsevkawm. Kuv pom txog kuv tus kheej xav txog hais tias kuv muaj hmoo npaum lcas uas thiaj li tau nej nej thiab cov tibneeg ua haujlwm ntawm pabpawg TR uas tau koomtes ua haujlwm sibyoog uake rau ntawm peb cov txheej txheem COVID-19 tswj cai. Cov tub ntxhais kawmntawv thiab cov neeg ua haujlwm yeej looj cov ntaub thaiv ntsejmuag. Ntau tus tau txhaj tshuaj lawm. Lwm cov no ces ho xum xaiv mus kuaj tus kabmob COVID-19 raws caijnyoog los qhia hais tias lawv tsis muaj tus kabmob ntawd. Kuv kuj pom txog hais tias cov kev ua ntawm no tsis yog ib qho yoojyim thiab ua ntxiv ib qho kev tabkaum, yog li no kuv xav qhia rau koj paub hais tias kuv muaj hmoo npaum lcas kuv thiaj li tau txais nej tus yamntxwv coj zoo thiab nej txoj kev ua raws li cov lus qhia.

Kuv mas hayyam muaj hmoo thiab muaj kev ua tsuag ntau heev uas peb pawg TR tabtom koom siab ua haujlwm uake uas tsis yog tsim teebmeem nrog ib tug dhau ib tus rau ntawm qhov peb muaj peb qhov kev xaiv xum txhaj tshuaj lossis xum tuaj kuaj txhua zaus. Kuv vam hais txoj kev coj nyabxees, tiaj tus, ntawm no yuav muaj toj mus ntxiv rau hauv peb lub Koog Tsevkawm yeebvim nws ua rau peb muaj dag, muaj zog, los mus rau siab ntso tsum lub luag haujlwm rau ntawm menyuum kawmntawv cov kev xav tau kev pab, thiab cov tub ntxhais kawm yuav tsum ibtxwm yog peb lub luag haujlwm tseemceeb tshaj ua ntej.

Nplooj 2

Thov nrog xam pom hais twb tau 18 lub hlis ntev loo lawm, txoj kev kub ntxhov kis kabmob thoob ntiajteb ntawm no twb tau txwv tsis pub peb qheb peb cov tsev kawmntawv rau tagrho peb cov menyuam kawmntawv tau ib ntu, tiam sis tam sim no lawv twb rov qab tuaj tau lawm. Thov cia peb kavtsij nrog qhia ntawv lawv txoj kev kawmntawv toj mus ntxiv, nyob kawm hauv tsev kawm ntawv, thiab tso lawv tuaj kawm hauv chavkawm tom tsev kawmntawv. Tsis tas cia kom lawv plam, qhab ntawv, es nej cov suab tawm tsam thiaj li yuav nrov txaus uas hnov tau. Yog koj muaj kev ntseeg txaus txaus lawm los mus tawm tsawm tsis kam ua raws li txoj cai, tsab cai lus tswj tseev kom tau txhaj tshuaj, thov nrog xam pom xav ib soblus email lossis ib daim yeejyabkab kaw lus xa tuaj mus rau tus Tswv Xeev thiab sau ib tsabntawv mus rau cov neeg sawvcev (elected representatives) uas koj tau pov npav rau.

Los txog rau tam sim no ntawm lub xyoo no, TR tau yog ib tug qauv zoo rau ntawm txoj kev koomtes thiab koomsiab los ua dejnum qheb tau peb cov tsevkawm thiab tswj tau kom peb cov tsev kawmntawv qheb twjywm. Ua tsaug uas nej tau ua nej qhov feemxyuas los tswj pab peb lub tuamtxhab taug tau nyob txoj hau kev zoo.

Saib rau lub samxeeb,

A handwritten signature in blue ink, appearing to read "Steve Martinez".

Steve Martinez, Ed.D.
Tuam Thawj Tswj, Twin Rivers Unified